

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ - СИЁСИЙ ГАЗЕТАСИ

№ 147 (10.200)


2004 ЙИЛ 2 АВГУСТ

**ПОЙТАХТНИНГ
Бир Кўни**
Янгликлар, воқеалар

ҚИССА
Ситларда

- «Бунёдкор» ёшлар телеклубида уюштирилган семинар умумтаълим мактаблари ҳамда «Камолот» ёшлар ижтимоий ҳаракати ва «Камалак» болалар ташкилоти ўртасидаги ҳамкорликни янада кучайтириш масалаларига бағишланди.
 - **ТОШКЕНТ** темирйўлчилар маданият саройида Темирйўлчилар кўни муносабати билан соҳа ходимлари иштирокисда тадбир уюштирилди.
 - **ТАДБИРКОРЛАР** ва ишбилармонлар ҳаракати — Ўзбекистон либерал-демократик партияси Тошкент шаҳар Кенгаши, Фуқаролик жамиятини ўрганиш институти ҳамкорликларида «Бунёдкор» ёшлар телеклубида ташкил этилган семинар «Ўзбекистоннинг замонавий иқтисодий стратегияси» деб номланди.
 - **РОССИЯ** пойтахти Москва «Огонёк» болалар оромгоҳида хордиқ чиқарган ўзбекистонлик кичкинтойлар Тошкентга қайтиб келишди.
- Тошкент шаҳар ҳокимлиги Матбуот хизмати ва ўз мухбирларимиз хабарларидан.

АЁЛЛАР ФАОЛИЯТИ — ЖАМИЯТ РАВНАҚИ



Ўтган шанба кўни Тошкент шаҳар хотин-қизлар кўмитасининг ҳисобот-сайлов конференцияси бўлиб ўтди. Унда мазкур аёллар ташкилотининг икки ярим йиллик фаолияти ҳамда Ўзбекистон Президентининг «Ўзбекистон Хотин-қизлар кўмитаси фаолиятини қўллаб-қувватлаш борасидаги қўшимча чора-тадбирлар тўғрисида»ги Фармони ва Вазирлар Маъжмасынинг тегишли қарориди белгиланган вазифалар асосида ишлаб чиқилган янги ҳаракат дастури муҳокама қилинди.

Маълумотларга кўра, пойтахтимиз аҳолисининг 51 фоизини аёллар ташкил этади. Меҳнат билан банд бўлган кишиларнинг 55,1 фоизи аёлларга тўғри келади. Бу дегани, бугунги кунда аёллар банд бўлмаган бирон-бир соҳа йўқ. Таъкидлаш ўринлики, илм-фан, соғлиқни сақлаш, таълим каби ижтимоий соҳаларда деярли 80 фоиз аёллар машғул бўлмоқда. Шу билан бирга уларнинг саноатда, коммунал хўжалиги, ҳаттоки қурилишда ҳам иштироки кескин ўсиб бормоқда. Аёлларнинг 43,5 фоизи бошқарув тизимида фаолият юритмоқда. 10 мингдан зиёд аёл — академик, фан доктори ва фан номзодларидир. Етти нафар аёл мамлакатимиз

фахри ва ифтихори ҳисобланади — улар Ўзбекистон қаҳрамонидир. Кейинги пайтда аёлларнинг бизнесда ҳам фаолияти ошиб бораётгани сезиларлидир. Чунончи, бугунги кунда пойтахтимизда 4300 дан зиёд аёл тадбиркорлик фаолияти билан шуғулламоқда. Ўтган даврга нисбатан ҳудудий ички маҳсулот ҳажмида тадбиркор аёлларнинг улуши 1,4 фоизга ошгани ҳам фикримиз далилидир.

Бу борада, яъни аёлларнинг давлат ва жамият қурилишидаги иштироки фаоллашишида хотин-қизлар кўмиталарининг роли қандай аҳамиятга молик?

Давоми 4-5-бетларда.

ХУҲ сақоси
Барча маълумотлардан
олинган сўнгги хабарлар

Мамлакатимизда

- Тошкент вилояти хотин-қизлар кўмитасининг ҳисобот-сайлов конференцияси бўлиб ўтди.
- Тошкентдаги «Домина Шодлик Палас» меҳмонхонасида рақобат сиёсати ва истеъмолчилар ҳуқуқларини ҳимоя қилиш муаммоларига бағишланган халқаро конференция ўтказилди.
- Бағдод туманида Ўзбекистон-Британия ҳамкорлигида «Шарқ неъматлари» қўша корхонаси иш бошлади. Сабзавот ва меваларни қайта ишлаб, қуритишга ихтисослашган корхона жаҳон андозаларига мос шарқ неъматларини ташқи бозорга экспорт қилади.
- Бухоро туманида сопол черепица ишлаб чиқариш йўлга қўйилди. «47-кўчма механизациялашган жамланма» ҳиссадорлик жамияти томонидан бу цехни ташкил этиш учун «Асака» банкдан 7 йил муддатда 100 миллион сўм кредит олинди.
- Оҳангаронлик тадбиркор Баҳодир Назиров автомобилларга техник хизмат кўрсатувчи кичик корхона очди. Йилнинг ўтган 7 ойи мобайнида Оҳангарон туманида бундан ташқари яна 63 та янги корхона очилди.
- Кумкўрғон туманидаги «Гишт» хусусий корхонаси туман болалар спорт мажмуасига 12 миллион сўмлик қурилиш материаллари етказиб берди.
- Тошкент вилояти Маданият ишлари бошқармасига қарашли «Турон» илмий-универсал кутубхонасида даврий нашрларнинг янги қироатхонаси очилди.

ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИНИНГ РАСМИЙ АҲБОРОТИ

2004 йил 30 июль кўни Тошкент шаҳрида соат 16.45-17.00 да уч жойда портлаш рўй берди. Улар АКШ, Исроил элчихоналари ва Ўзбекистон Бош прокуратураси бинолари олдида ўзини ўзи портлатган террорчилар томонидан содир этилди. Оқибатда икки киши ҳалок бўлди. Тўққиз киши жароҳатланди. Улардан иккитасининг аҳоли оғир. АКШ ва Ис-

роил элчихоналарининг бинолари зарар кўрмади. Бош прокуратура биносининг кириш жойига зарар етди.

Ўзини ўзи портлатган террорчиларнинг шахси аниқланмоқда. Улардан бирининг ёнидан шахсини тасдиқловчи ҳужжатлар топилди.

Ўзбекистон Республикаси Президенти Ислам Каримов раҳбарлигида тегишли идора ва хиз-

матлар раҳбарларидан бинолар Ҳукумат комиссияси тузилди. Тергов ишлари бошланди. Террорчиларнинг шахси ва уларнинг алоқаларини аниқлаш чора-тадбирлари кўрилмоқда. Айни пайтда элчихоналар ва бошқа муҳим объектларни қўриқлаш, террорчилик ҳаракатларининг олдини олишга қаратилган чоралар қучайтирилди.

ЎЗА

РАСМИЙ АҲБОРОТ

Тошкент шаҳрида рўй берган террорчилик ҳаракатлари бўйича ташкил этилган Ҳукумат комиссиясининг биринчи мажлиси 2004 йил 30 июль кўни соат 20.00 да бўлди. Унда тегишли хизматлар ва идораларнинг содир этилган портлашлар билан боғлиқ фактларнинг таҳлили ҳамда уларни текширишга оид аниқ чоралар тўғрисидаги ахборотларни тингилди. Батафсил ва чуқур текширувни амалга ошириш, террорчилик ҳаракатларининг сабаблари ва ижрочиларини аниқлаш

юзасидан ҳаракат режаси қабул қилинди.

Ҳукумат комиссияси террорчилик оқибатида ҳалок бўлганларнинг оила аъзолари ва яқинларига чуқур ҳамдардлик изҳор этади. Жабрланганларга зарур ёрдам кўрсатиш бўйича барча чора-тадбирлар кўрилмоқда.

Ҳукумат комиссияси республика аҳолисини хушёрликка ва ҳуқуқни муҳофаза қилиш органларига ёрдам кўрсатишга даъват этади.

Муносабат

ТИНЧЛИГИМИЗГА ҲЕЧ КИМ РАҲНА СОЛОЛМАЙДИ


«Ёмоннинг юзи курсин». Халқимиз бекорга бу гапни айтмаган экан. Бу дунёда шундай разил кимсалар бор эканки, уларнинг эртаси, ёруғ келажаги йўқ. Улар на фарзандини ўйлайди, на орзу-хаваас кўришни ният қилади. Улар тавқиланганга учраган кимсалар.

Халқимиз ҳар қандай оғир синовлардан сабр-бардош билан ўтиб, мана шундай хурлик замонига етиб келган. Қийинчиликлар билан қўлга киритилган озодлик осмони эса ҳаммисиз мардлик, жасурлик билан қўриқланади. Юртининг асл ўйлонлари ҳеч қачон ёмонларнинг ниятлари амалга ошишига йўл қўймайди. Узоқни кўра олмай сарсон бўлиб, ҳар томонга ўзини ураётган кимсалар хомтама бўлмасинлар: юртимиз тинчлиги ва оёсийшталлигига ҳеч ким раҳна сололмайди.

Маънура ЗУХУРОВА,
«Кичик Дўмбиробод» маҳалласи
хотин-қизлар комиссияси раисаси.

Жаҳонда

- АКШ Давлат Котиби Колин Пауэл Ар-Риёдада Ироқ бош вазири Ияд Алавий билан Саудия Арабистонининг Ироққа ҳарбийларини жўнатиш борасидаги таклифини муҳокама қилди.
- Афғонистон давлати раҳбари Хамид Карзай ушбу мамлакатда 24 йилдан бунён фаолият олиб бораётган «Чегара билмас шифокорлар» халқаро ташкилоти Афғонистонда ўз ишини тўхтатаётгандан афсусланаётганлигини билдирди.
- Буюк Британиянинг ВВС ахборот компанияси Лондон марказида бомба портлаши ҳақида телефильм тайёрламоқда. Фильм муаллифлари Лондонга террорчилар хуружи чоғида юз бериши мумкин бўлган воқеаларнинг тахминий ривожини кўрсатиб бериш ниятидалар.
- Ҳазо минтақасида автомобиль портлаши натижасида Фаластин қуролли гуруҳининг икки фаоли ҳалок бўлди.



Жаҳон ва маҳаллий ахборот воситалари хабарларидан

● Афғонистон Президентини Ҳамид Карзай сайлов комиссиясига шахсан келиб, бўлажак президент сайловида қатнашиш учун номзодини рўйхатдан ўтказиб кетганлиги ҳақида AP агентлиги хабар беради.

● АҚШ ҳукумати судсиз икки йилдан буён Гуантанамо ҳарбий лагерига сақланаётган Франциянинг тўрт фуқаросини озод қилди. Франциялик маҳбуслар 2002 йилда Америка ҳарбийлари томонидан Афғонистонда қўлга олинган. Бироқ улар Парижга келтирилиши билан яна ҳибсга олинди. Прокуратура улар устидан террорчилик ҳаракатларини содир этиш билан боғлиқ жиноий иш очди. Бу ҳақда уларнинг адвокатлари маълум қилди.

● Шимолий Кореядан бир гуруҳ қочқинлар ўз ватанларига — Жанубий Кореяга қайтишди. Ҳукумат вакили Сеул аэропортида 220 нафар қочқин кутиб олинганлигини маълум қилди. Айни пайтда Шимолий Кореяда яна бир неча юз нафар қочқинлар ўз уйларига қайтишга тайёргарлик кўришмоқда.

● Маълумки, шу йил бошида Жануби-Шарқий Осиё давлатларида кенг тарқалган «парранда гриппи» эпидемияси боис Европа Иттифоқи бу мамлакатлардан парранда ва парранда гўшти маҳсулотлари импорт қилишни 23 январдан 15 августгача тақиқлаган эди. Ушбу давлатларда «парранда гриппи» ҳамон учраб турганлиги сабабли ЕИ бу тақиқлов мuddатини 15 декабргача узайтирди.

● АҚШнинг Калифорния штатида жойлашган Викторвил шаҳрида 2001 йил 11 сентябрда содир этилган террорчилик ҳаракатларига бағишланган кўргазма бўлиб ўтди.

● Россия ҳарбийларининг маълум қилишича, жорий йилнинг биринчи олти ойида 109 аскар ўз жонига қасд қилган. Бу ўтган йилнинг шу даврига нисбатан 38 фоиз кўп демакдир.

● АҚШдаги дафн этиш хизмати агентликларидан бирининг раҳбари Гэри Левин Майями яқинидаги денгизда дунёда биринчи бўлиб сувости кабристони яратиш режаси борлигини маълум қилди.

Кейинги йилларда олий таълим тизимида кўплаб ижобий ўзгаришлар юзга келди, халқаро андозалар асосида ўқитиш услублари амалиётга жорий этилди. Айтиш мумкинки, олий таълимнинг сифати энг аввало талабаларнинг салоҳияти, иктидорлиги ёшларни қабул қилишдан бошланади.

Бугунги кунда мамлакатимизда 70 дан зиёд олий ўқув юртли мавжуд бўлса, шундан деярли 32 таси Тошкент шаҳрида жойлашган.

Кўни кеча бошқа олий ўқув юртли катори Тошкент тўқимачилик ва енгил саноат институтида ҳам бу йил талаба бўлиш истагида ҳужжат топширган абитуриентлар тест синовларидан ўтдилар. Энди улар тест натижаларини, яъни ўз билим ва қобилиятларига берилган баҳони ҳаяжон ва интиқлик билан кутадилар.

— Бу йил институтларнинг сиртки бўлимларига қабул бўлмагани боис кундузги бўлимга қабул сони ошиб, 2033 абитуриент ариза топширган. Қабул режасига кўра, 720 абитуриент ўқишга қабул қилиниши керак, — дейди Тошкент тўқимачилик ва енгил саноат институти қабул комиссиясининг масъул котиби Абдухалил Сафоев. — Шуни ҳам таъкидлаш керакки, ўқув юртида 10 та таълим йўнали-

Месин синовлари

ҲАЯЖОНЛИ ВА ҚУВОНЧЛИ ДАҚИҚАЛАР

КЕЧА мамлакатимизнинг барча олий ва айрим ўрта махсус таълим муассасаларида тест синовлари бўлиб ўтди. Абитуриентлар учун орзиқиб кутилган ҳам қувончли, ҳам ҳаяжонли дақиқалар етиб келди. Қалбларида қатъият, дадиллик ва ишонч билан таълим маскани остонасига қадам қўяётган абитуриентларнинг олий мақсадлари битта — у ҳам бўлса, имтиҳонлардан муваффақиятли ўтиб талаба деган номга сазовор бўлиш.


ши бўйича ҳужжатлар қабул қилинди. Битта янги маркетинг йўналиши бўйича таълим ташкил қилинди. 445 та контракт, 275 та грант асосида талабалар таълим олишади. Шуни қувонч билан айтиш керак, ўтган йили институтимизга Япония давлати томонидан 4 миллион АҚШ доллари миқдоридан грант берилиб, ўқув юртида янги компьютер хоналари замонавий технологиялар билан жиҳозланди. Институтимиз республика бўйича олий ўқув юртлири ичида рейтинг бўйича биринчи ўринда туради. Бу йил ушбу ўқув даргоҳини 546 нафар бакалавр, 130 нафар магистрлар битириб, диплом олишди. Жорий йилдан институтни битирувчи бакалавр ва магистрлар республикамизнинг йирик ташки-

лотларига аукцион асосида иш билан таъминланадиган бўлди.

Халқимизда «Талабалик — олтин давр» деб бежиз айтил-

майди. Мана шу олтин давр — ёшлиқнинг энг бахтиёр, шўх-шодон давлари кўпчилигининг бир умр ёдидан ўчмайди, албатта. Истагимиз, талаба бўлиш орзусида юрган ёшларга омад қилиб боксин. Улар келгусида ўз билим ва салоҳиятларини янада ошириб, малакали мутахассис кадрлар сифатида Мустақил Ўзбекистонимиз равнақига муносиб ҳисса қўшадилар деган умиддамиз.

Дилором ИКРОМОВА СУРАТЛАРДА: Тошкент тўқимачилик ва енгил саноат институтида бўлиб ўтган тест синовларида лавҳалар. **Ҳақимжон Солихов олган суратлар.**



Бош прокуратуранинг барча таркибий тармоқлари бошлиқлари, Қорақалпоғистон Республикаси, Ўзбекистон Ҳарбий ва Транспорт, вилоятлар, Тошкент шаҳар прокурорлари ҳамда Бош прокуратура ҳузуридаги солиқ ва валютага оид жиноятларга қарши курашиш Департаменти бошлиғи, ўринбосари, Департаментнинг бошқарма ва бўлимлари бошлиқлари иштирокидаги мажлисда прокуратура органларининг мамлакатда қонунийликни мустаҳкамлаш, фуқароларнинг ҳуқуқ ва эркинликларини муҳофаза қилиш, жиноятчилик ва ҳуқуқбузарликларнинг олдини олиш юзасидан 2004 йил 6 ойлик фаолияти яқунлари ва келгусидаги вазифалари муҳокама қилинди.

Прокуратура органлари ўзларига юклатилган назорат фаолиятини амалга оширишда доимий эътиборни турли соҳаларда қонун устуворлигини таъминлаш, фуқароларнинг ҳуқуқлари ва қонуний манфаатларини ҳимоя қилиш, қонунбузарликларнинг олдини олишга қаратди.

Ўзбекистон Республикаси Президентининг 2004 йил 11 март кўни қабул қилинган «Қишлоқ хўжалигида ислохотларни амалга оширишга қаратилган қонунлар ижросини таъминлашга оид қўшимча чора-тадбирлар тўғрисида»ги Фармони билан прокуратура органлари зиммасига қишлоқ хўжалиги соҳасида қонунлар ижросини назорат қилиш, оддий деҳқон ва фермерларни ҳимоялаш, қишлоқ хўжалигидаги суистеъмолликларга барҳам бериш каби масъулиятли вазифалар юклатилди.

Шу мақсадларда, хусусан, ҳукуматнинг фермер хўжалиқларини ривожлантириш концепцияси асосида ҳам рентабелли ширкатларни фермер хўжалиқларига айлантириш, уларга ер ажратиш, шартнома интизомини мустаҳкамлаш, тадбиркор манфаатларини ҳимоя қилиш ва ижтимо-

ий соҳаларда қонунийликни таъминлашга қаратилган тадбирлар изчиллик билан олиб борилди.

Фуқароларга иш ҳақи, пенсия ва нафақаларининг ўз вақтида тўланиши, уларнинг иш билан таъминланиши ҳамда бошқа ижтимоий ҳуқуқларининг қаролатилиши борасида йўл қўйилаётган қонун бузилиш-

РЕСПУБЛИКА БОШ ПРОКУРАТУРАСИДА

Ўзбекистон Республикаси Бош прокуратураси ҳайъатининг кенгайтирилган мажлиси бўлиб ўтди. Уни Ўзбекистон Республикаси Бош прокурори Р.Қодиров олиб борди.

ларни бартараф этишнинг зарур чоралари кўрилди.

Маъмур соҳаларда ўтказилган текширишлар натижаларига кўра, жами 100 мингга яқин прокурор назорати ҳужжатлари қўлланилиб, хизмат вазифаларини талаб даражасида бажармаган 51 минг нафар мансабдор шахслар интизомий, маъмурий ва моддий жавобгарликка тортилди.

Прокуратура органлари томонидан фуқаролар, юридик шахслар, шу жумладан, тадбиркорлик субъектларининг манфаатларини қўзғаб судларга жами 31 миллиард сўмликдан зиёд 21 мингта даъво аризалари киритилди.

Бош прокуратура ҳузуридаги солиқ ва валютага оид жиноятларга қарши курашиш Департаменти томонидан ҳам муайян ишлар амалга оширилиб, бюджетга ҳисобланган қўшимча солиқ ва жарималарнинг 23 миллиард сўмдан ортигини ундиришга эришилди.

Прокурор назоратининг муҳим соҳалардан бири ҳисобланган вояга етмаганларнинг ҳуқуқий ҳимоясини таъминлаш борасида ишлар қўчайтирилди, қўлланилган 10 мингтадан кўп прокурор назорати

ҳужжатлари асосида мавжуд қонунбузилишларнинг бартараф этилиши таъминланди.

Жиноятчиликнинг олдини олиш ва профилактика қилишда бошқа ҳуқуқни муҳофаза қилувчи органлар, ҳокимликлар, фуқароларнинг ўзини-ўзи бошқариш идоралари, нодавлат ташкилотлар билан ҳамкорлик мустаҳкамланди. Натижада мамлакатда криминоген вазиятнинг барқарорлиги таъминланиб, оғир ва ўта оғир жиноятларнинг, шу жумладан, гуруҳ таркибидаги ҳамда рецидив жиноятларнинг бирмунча камайишига эришилди.

Кўрилган чоралар жиноят ишлари бўйича суриштирув ва терговнинг сифатини яхшилаш, тергов мuddатларига қатъий қарор қабул қилиш, эҳтиёт чораларини тўғри танлаш, жазонинг муқаррарлигини таъминлаш имконини берди.

Судларда жиноят, фуқаролик ва ҳўжалик ишлари кўрилишида прокурор ваколатини таъминлаш фаолияти асосан фуқаролар ҳамда юридик шахсларнинг ҳуқуқ ва манфаатларини ҳимоя қилишга йўналтирилди.

Прокуратура органларида фуқароларни қабул қилиш, ариза ва шикоятларни қонуний ҳал этишга доимий эътибор қаратилиб келинди. Келиб тушган мурожаатларнинг 18 мингтадан ошиғи ҳал қилиниб, натижаларига кўра қонуний қарорлар қабул қилинди.

Прокурор назоратининг бошқа йўналишларида ҳам муайян натижаларга эришилди.

Шу билан бирга, ҳайъат мажлисида прокуратура органлари фаолиятида йўл қўйилган камчиликлар танқид остига олинди, уларни бартараф этишга доир аниқ вазифалар белгиланди.

Ўзбекистон Республикаси Бош прокуратурасининг матбуот маркази

